

崇百藥齋文集

崇白藥齋文集序錄

露葉辭樹常懷並條之陰霜鴻各飛無已同渚之念爲
想顏色將如璠枝夫惟德音以當襍佩歲陽柔兆祗役
于越陸君祁孫褰裳相過始平造庭郭奕以之心醉彥
昇卽座王融于焉自失昕暮相溯風期遂親若乃名區
勝壤之會山川都邑之湊率爾欣暢言饒壯觀當夫流
風拂乎枉渚停雲蔭乎叢臯水清明而抱天山彎環而
鏡壑紫蒲冒澗紅荷艷泉香枝嫩葉翡翠累翠疊俄而日
匿西崦月臨東隅波紋定圓夜氣虛碧牛渚聞袁虎之
詠南皮集西園之遊又有峰鄰鼓山溪接剡曲夏后之
所朝會秦皇之所騁望球鍾旌旗無復可觀崇山激湍

是焉斯在昔者洛濱之飲龔以蘭渚今也春已之禮行
于素辰品彙一致風舞並適至于春陽載華徒旅初戒
擊汰臨平之埃揚舫臯亭之津窈窕緣岸續紛盡桃若
華傳明表裏散彩淺霞駁雲一合一分榜如塗丹青乃
騰絳是慕同舟之侶有懷醅顏之歡于斯時也展詩揚
音申商發羽縱橫文雅騫翔藻思則有軼讖客之嶺嶠
踰石卿之梓澤者矣然而日月不處風雲無方張敷有
還京之期士衡鮮入洛之志輕舟獨溯攀條暫畱曩以
旬朔乖阻微言絕耳猶復歛喑勞于寤思況乎飄然晨
征邈若雨墜夕息抱影朝徂銜思參差之蹟良非異端
弦括之懷末由自弭君婉婉長離輝輝素月一爲遊梁

之容猶安茂陵之居充堂之芬豈幽蘭所難縈絃之思
雖繁會奚奏穎姿標于夙齡奇蘊抒于雅詠長虞之文
竟不可及公幹所善絕于時人積之歲年溢乎筐篋呂
氏成其八覽便當暴之國市子雲匿其方言猶謂監於
規繡是蓋韞櫝之深惜勞謙之盛懷余則搖目黃絹戢
心白雪廬山之詩已勒于齋閣隴首之句時書于便面
遂乃約其簡札弟其遠近凡如干卷語可比于金玉寧
徒代夫萱蘇至于沈鬱澹簡之思壯厲概忼之氣淵懿
溫雅之致耀艷深華之詞含芳腴于襟抱揚華蕤于心
極是則韓娥之謳不夔曠而賞織驪之足不良樂而貴
耳施乎後世有隄皇甫作序以爲美談則愧敬禮潤色

聊追昔蹤頗寫離眷以斯俯仰無復絢繪蓋云折山中之麻無嫌愈疎猶期採芳渚之杜時遺遠道也嘉慶三年九月儀徵阮元謨

第一

寒檠集

第二

定香集

第三

邗上題衿集

第四

滙瀆集

第五

歸帆集

第六

宣南集

第七

熊耳集

第八

伊闕訪碑集一

第九 伊闕訪碑集二

第十 蕭寺養疴集

第十一 餐木集一

第十二 餐木集二

第十三 清鄰詞

第十四 賦序書後書

第十五 記辨說戒銘贊辭

第十六 書事傳家傳別傳傳論

第十七 墓誌銘

第十八 墓碑銘墓表

第十九 祠版文哀辭行狀祭文

第二十年譜

崇百藥齋文集第一

陽湖陸繼輅祁孫

寒檠集

登高邱而望遠海

登高邱望遠海白波如龍天上來蓬萊三山竟安在團
團紅玉貼素空天地一色青濛濛上距玉皇香案復幾
許拂衣便欲乘長風伯牙鼓琴漸離擊筑悲從中來長
歌當哭鳳皇孤飛不借一枝蛟龍失雲不樂一池

小倚

小倚闌干數落花春來無味去重嗟夕陽不管纖纖雨
一角自明芳草涯

王二日 愛石圖

我聞黃山天下奇每役魂夢東南馳醒來愴恍不可見
但覺煙嵐雨岫隱隱橫如眉天公胡爲不予畀使我胸
中鬱奇氣王君云自新安來攜得山頭白雲未豈知君
意殊不然約束奇峰峭壁入一拳圖成尺幅勢猶縱乍
疑虎踞兼龍蟠皇天無缺覆下土不用洪鑪鍊石補雲
根一片畱人間乃與幽人結儔伍吁嗟乎求珠採玉何
紛紛此石寂寞無人珍壺中九華偶然耳海岳差是同
心人放之寰中太華峙不爾亦足上配星與辰君乎落
落信奇士自說摩挲樂忘死何當與君同坐三十六峯
頂下視人民細于螳

夜飲歎

母織素兒讀書母憐兒寒無複襦朝來持布易錢百兩
鄰有酒爲兒沽三更大風四更雪醉意凌寒兩耳熱此
時讀書興益豪書聲自逸機聲勞今宵無錢不得酒把
卷圍鑪坐相守吁嗟乎孤兒縱有酒堪醉化作燈前萬
行淚

古鏡辭

我有太古鏡清光若明月殷勤拂拭之照人察毛髮平
池荷葉空田田美人只有菱花憐朝坐與對夕與眠菱
花無光美人死日色如銀月華紫芳魂化作青芙蓉終
古幽姿照秋水

春愁

聽盡高樓玉笛風
春愁如夢遶芳叢
簾前幾陣疎疎雨
二月江南有落紅

田家行

麥苗平遠似春水
暮山依微碧波裏
村前籬犬吠向人
鷺鷥拍拍驚飛起
濃陰沈沈最深處
兒童騎牛自來去
野人無事不入城
蘿衣却挂門前樹
一聲兩聲橫笛風
一枝兩枝桃花紅
青鞋布襪我亦足
便欲相從結茅屋

題梁溪女史遺稿

罡風獵獵吹蟾魄
連理輕摧竟誰惜
一聲兩聲叫杜鵑
血色斑斑凝夜碧
殘膏零翠空斷腸
羅幃繡幙何處鄉

虛窗夢破梨雲冷滿庭花霧香魂影

看劍行爲莊先生

字遠作

先生好酒復好劍鄉曲方嘲魯儒賤誰與貌作看劍圖
展卷寒芒射人面拂拭霜華浮玉笋太阿爾是知我者
十年讀書心膽堅熱血填膺向誰灑聞雞起舞意慨慷
一片清光浩如瀉劍乎爾鑄自何年爾來自何許不隨
殺賊向絕域隴西老將氣如虎又不伴曳侯門裾三彈
長鋏歌無魚一鐙風雨怒欲躍似憤主人長泥塗吁嗟
乎爾曷不變化爲鉤屈曲學作繞指柔胡爲鋒鋌激秋
水虎豹遠蹟蛟螭愁丈夫處世寧剛折玉碎瓦全吾自
決一石酣嬉醉不泥七尺昂藏骨如鐵此圖畫筆亦有

神寫人寫劍意不分會向扶桑看曉日攜此徑截千重
雲從來至寶有本性鉛刀之割徒紛紛

清鄰館桐樹爲莊大

曾儀

移去

舊種雙桐樹蕭疎傍曲澗忽驚明月滿遙想綠雲深亦
有清癯客幽居癖苦吟亭亭最孤直與爾結同心

小樓

小樓日日見征鴻無柰離情寫未工雲樹幾重江一曲
可憐同在月明中

野鴨謠

并序

宜興野鴨萬餘食稻殆盡陸子見而悲焉爲紀其事三
章

桐官山田穀初熟咄咄奇災鴨食穀羣兒指向村前啼
拍手撼之驕不飛農夫苦瘦鴨苦肥吁嗟鴨兮柰爾何
羨爾飽食無催科

前村鳴金後鳴鼓老農焚香巫媪舞巫媪舞神所憑射
殺神鴨罪匪輕民願爲鴨神不鷹

令君張筵日燕客炙之燔之不敢食且喜免捧捕蝗檄
居民愁令君笑大有年已入告吁嗟農夫無鴨怒鴨食
汝穀有時去

追悼亡友吳君

廷嶽

涼風動大地日月去飄忽之子歸重泉餘痛猶在骨平
生求輔仁初筮得朋吉感君盡孝弟溫純金玉質讀經

兼讀史慷慨慕奇節寒蛩階下鳴微雨秋瑟瑟攝屐忽
相過快若慰饑渴譚深更漏促攜手不忍別倚門望君
去遙遙一燈沒常恐事遠行饑驅成契闊設想已惆悵
何況遂永訣歲在大淵獻正月君始疾家貧投賤藥無
計令君活見面強勸慰忍淚語嗚咽知君千萬言口燥
不得說是時天正陰黑雲夜如漆我出坐齋頭恍惚鬼
瞰室孤檠淡無焰慘慘若將滅忽聞號咷聲長逝在倉
猝親衰更無子幼女病亦卒仰視蒼蒼天何罪受此罰
君貌本豐下謂當壽考歿如何竹柏姿風雨疾摧折思
之如夢寐向空書咄咄書生痛早逝賸有錦囊血君志
豈區區不忍聽銷歇壽命有修短令名固莫奪君兄光

善事母聊用慰愁絕
人生天地間哀樂難具述

楚雲曲爲湯別駕

昌業作

蘇臺二月春風暖
陌上花開行緩緩
關情何許玉驄停
繡字新題楚雲館
就有女擅無雙素
摺黃絕入道妝
偶逢花底驚回顧
強到尊前道勝常
尊前花底相憐久
兒家舊事君知否
曾入侯門侍早朝
蒼茫短劫悲重剖
長眉學畫女相如
金屋娉婷十五餘
愛月夜涼調綠綺
薰香晝永仿官奴
忽傳張宴開新釀
深深早設金雞障
座客無言夜未央
霓裳一曲疑天上
酒酣起舞解金貂
此際中丞氣尚豪
失寵監司牛馬走
假威狐兔霍奴驕
七尺珊瑚輕一碎
幾人色變逡巡退
不重黃金重結歡

祇愁未得中丞愛，彈指榮枯似轉輪。三千食客散如雲，尋常但識將軍令。到此方知獄吏尊，空憶華亭悲鶴唳。空思黃犬上東門，狼籍金釵賤於土。紛紛香玉都無主，重攜脂粉向平康。強半相逢陽翟賈，枉將金字寫華嚴。青蓮憔悴淤泥苦，夜闌細數舊樓臺。月黑鐙青淚如雨，人世悲歡總可憐。滄桑廿載憑誰訴，淪落真慚燕子樓。漂零漸忘驚鴻舞，窗前不復誦靈光。入夢繁華欲斷腸，青眼喜今遭杜牧。紅顏應解惜蕭娘，我聞此語添愁絕。身名轉瞬成銷歇，浙山平遠浙江清。回首驕奢信無匹，寂寂瑯邪土。一邱捧心只合一生愁，銷魂南浦難爲別。欲倩垂楊繫客舟。

寶玉篇寄丁四

履恒

我昔曾過龍首東其下若水流淙淙蒼茫暝色暗千樹
奇氣忽耀青芙蓉至寶所在鬼神守齋戒默禱能感通
精靈結撰幾千載破石得玉光如虹再拜拂拭凝雙瞳
奇珍入手思良工願抱此玉同石友被褐懷璧甘長終
深山大澤徑幽癖爭奪未免虞蛟龍玉乎慎勿受塵汚
瑕玷使我愁心胸

少年行

偶讀俠客傳幽燕多奇才躍馬看山不辭遠千里遂抵
昭王臺臺邊二月皆酒壚入座不解金僕姑路人未敢
問名姓疑是東吳孫伯符腰下寶劍雙龍文攜此欲贈

平生親仰天撫掌忽大笑長揖自弔荆卿墳吁嗟乎雙
眸如水將向誰手撫玉驄行復歸歸來江南春未已人
在羅敷明鏡裏

歲暮作詩自勵

忽忽歲道盡戚戚無歡悰因思古君子百憂集乃躬挫
折氣彌勁粲若垂天虹所以蹈仁義鼎鑊神從容修名
衆所好強制難爲功鉛刀豈不割入冶愁銷鎔短篷豈
不疾無力乘長風貧乏已云困以何貞數窮君看雪窖
內何如陋巷中

惜別

逝水無回波落日無回光言與之子別始覺去日長憶

初讀書山僧房春風二月貝多香空中漸有征雁翔庭
前芳樹黏繁霜繁霜淒淒已飛雪美人含愁撫瑤瑟朱
絃欲調轉嗚咽且復高歌永今夕梅花枝頭挂寒月

別詞

愛花惜花落愛月悲月缺豈惟月缺悲月圓已愁絕清
光瘦影兩依依似妾今將與君別涼風颯颯天欲曙天
曙看君出門去沈吟却語窗前雞祝雞勿向碧樹啼

楊先生

倫

歸自武昌感舊抒懷奉呈五十韻

當代無雙士傾心奉瓣香先生欣返櫂賤子記升堂回
首垂髫日傷懷坦腹牀陳平空美好衛玠本踈狂遇阮
雙青眼呈韓一錦囊閒來觀玉軸時爲設瑤觴座撤青

紗帳

謂係夫人

書盈白練裳登龍聲價倍附驥姓名彰江漢

流今古人文集琥璜舉比專所任模楷慎其相化兩行

三楚清風誦九章嵐光環几席燭影映琳琅仰止高山

遠懷哉別路長丹鉛遺蠹簡泉石閉岩房孤露承慈訓

清貧守士常偶分丙夜火忘辦午餐糧司馬原多病安

仁異悼亾秋窗聞語鵬深院泣鳴蜩宛宛紅閨裏依依

阿母旁瞿曇虛一現玉鏡未三霜飄忽浮雲幻淒涼薤

露灑良緣慳省識短劫痛蒼茫半子情逾切頻年感未

央神仙移眷屬欸乃赴瀟湘

先生迦孫夫人之楚

人已悲南浦魂

應怯北芒可憐新鬼小長卧古城荒寂寂多芳草萋萋

帶夕陽榆錢飛滿地麥飯冷盈筐夜雨散燐火春風開

野棠關心最寒食灑淚向昏黃漸少音書寄知稀魚雁

將浣花新著述

先生撰杜詩鏡
詮二十卷成

帶草舊芬芳顧我泥塗

困慚公玉尺量奇珍同抱璞絕技遜穿楊介母能偕隱

鸞妻不世妝良朋共憔悴蕭寺亦徜徉懷刺常磨滅吟

騷自激昂掩關烹茗茗脫帽倚修篁對月人千里披雲

天一方相逢誰刮目感舊獨迴腸說項情如昨攀嵇意

轉傷女蘿曾施栢溟澥或收潢近艤毘陵舫寧誇南粵

裝崇蘭仍馥郁古樹更青蒼

小蘭亭九栢居
皆先生家塾名

重檢詩文

篋應超翰墨場出山非小草入世本洪樟放鶴連雲遠

飛鳧傍日翔種花應是杏課畝盡生桑報最他年事言

情何日忘吟成發三歎簷鐵動回廊

寄徐大芬

尺書忽墮空中翼故人勗我加餐食關心海內數知己
強半思家歸未得憶昔置酒君南樓雲溪二月楊枝柔
畫船如梭棹謳發翠羽歷亂翔輕鷗我時憑闌動高詠
珠簾半上珊瑚鈎相看疑是王子晉手把玉簫樓上頭
祇愁驂鸞倏仙去萬花無語凝春眸管絃初停月飛上
波光一碧澄不流幾日秋風吹落葉西園衰草多黃蝶
已到神山風引還一笑仍回渡江楫爾時更有錢王孫
狂吟脫帽氣拂雲持杯且學魏公子買絲枉繡平原君
吁嗟乎識君何遲別何遽送君望斷河干樹吟鞭遙指
古夷門落日征車悵然去人生離合苦惓惓我亦饑驅

不能住一春花事雨冥冥獨客無聊酒易醒怕到雲深
舊遊地辛夷落盡碧窗局

集杜句招莊大游艤舟亭

幽棲地僻經過少花徑不會緣客埽我有新詩何處吟
但話夙昔傷懷抱桃花一簇開無主蛺蝶飛來黃鸝語
物色生態能幾時雷聲忽送千峰雨浴鳧飛鷺晚悠悠
予亦沙邊具小舟蒼苔濁酒林中靜請公一來開我愁

嬌女

嬌女如嬌鳥依人亦可憐知他長成日飛傍阿誰邊

觀鶴行

黃家池館生雲煙恍然行上蓬萊巔羣仙縹緲在何許

突兀一鶴當吾前秋風肅肅鷹振翼汝獨胡爲樂棲息
舉頭天外意惆悵是誰鍛汝凌霄翮獨立松根之怪石
夏鳩旁啼燕飛側主人飼雞兼飼汝怪汝長鳴不能食
毛羽飄零鳳在笄骨格昂藏驥伏櫪神物小謫會有時
仙山舊侶應相憶何當跨汝飛入雲明月寒空夜吹笛

養疴雜詩

幽懷最宜病長共藥裹親掩關意良適形靜氣亦馴疎
花媚古樹好鳥啼清晨時時傾綠酒持杯玩其醇
夜長不能寐臥聞魚躍聲起看殘月影映此池水清豈
無羈旅客良宵動離情姑畱定遠筆漫請終軍纓
長樂足損志多愁亦傷神愁樂兩無跡悠優含古春閑

窗延好風中有百卉芬臨風吸清茗此意難具陳

伐木詞

五色山雞忽飛起斧聲丁丁夕陽裏野人山居不買薪
日向山頭伐荆杞持錢贈汝勿更伐山深樹古生連理
連理青青可憐色上有好鳥名比翼

憶遠曲

波流湯湯山寂寂不阻行人阻歸客憶昔送君江干行
長隄柳暗聞雛鶯啼鶻喚君君不歸雲間朔雁飛冥冥
出門後會不可定安用別語虛丁寧君不見明月荒荒
百蟲語今夜西風又吹雨離人心中奈何許

游子吟

爲友人作

白雲爾何來亭亭在南野登高望遠泣如雨我有親舍
在其下秋風吹空雲北去故鄉茫茫不知處

天欲曙星正稀瘦馬駕村雞啼晨風如鏃酒力微新婦
夜長不下機何日却寄征人衣征人不苦寒老親七十
衣裳單

驕兒識字一萬餘兒父出門心躊躇此呱呱者當何如
兒母常歸寧兒亦罷讀書兒兮思親勿悲苦親今賴爾
娛爾祖

贈錢三丈

季重

橫山之才美無匹橫山之窮亦奇絕蕭霜典盡天驟寒
便學袁安臥殘雪妻啼兒號不可聞君亦伏案如含顰

忽然起立仰而笑此作何似周清真去年饑走大梁道
日日無聊玉山倒十載陳編弔信陵古城莽蒼傷懷抱
少年手散千黃金交空四海誰最深蒼苔落葉滿窮巷
投袂欲作還山吟人生有遇有不遇朝露浮雲竟何據
志士由來畏受恩漫將腐鼠矜寒素君不見劉孝標慨
然手著屠絕交嚴陵臺遠望不及爲君更賦箜篌謠

過明故宮

奇貨迎來此續貂蔣山佳氣已全消偏安時勢非三國
管領鶯花比六朝調鼎重臣工翰墨防河大將詠逍遙
中興事業風流甚祇築章華貯細腰

七夕寄婦

渺渺銀河水無因見鵲橋天涯未圓月萬古可憐宵俠
拜怯孤影相思寄短謠何年跨雙鳳雲際共吹簫

青溪小姑詞

寂寞青溪口芳祠坐小姑波聲想環珮月色見肌膚桃
葉猶名渡盧家尚有湖一般供悵惘人去鳥相呼

陽羨苦雨鎮日無聊欲歸未能漫成四章

積陰暗簾箔睡起忽已晝濛濛萬雨絲無聲但寒透
銅峰忽收青冥冥入煙霧惆悵問西風吹山向何處
小眠倦轉劇客緒類中酒獨坐撫秋窗猶照月輪否
孤鐙淡無焰寒意客先覺不復祝新晴歸期已非約

毘陵竹枝變詞

姑顏欣欣婦顏悅同向晴窗擘丹橘結束新衣五日忙
家家茗椀金粟香且喜今年風日好記得中秋月輪皎
爲約鄰姬踏月行倚闌只盼斜陽早含羞顧步轉恩恩
鏡聽爭憐好語同歸來試對菱花立露氣熒熒鬢邊濕

秋間以鹽漬桂花元旦取點茶香色
不減又元宵晴雨以隔年中秋爲驗

東風吹斷社公雨社祠夜打催花鼓蒼龍蜿蜒彩鳳翔
燈影一一飄橫塘橫塘冰泮水初漲萬朵芙蓉一時放
近市人家捲布帘隔花酒舍傾家釀沈沈更漏夜欲闌
路人傳說拾金環明宵重向社祠過琉璃無光神暗坐
芳樹雛鶯喚清曉柳影橫窗日杲杲艤舟亭畔游人多
結伴踏青須去早枝中水上春正喧風吹袷衣香一團

陌頭柔桑爲誰綠但覺繁英看不足碧桃花落雨廉纖
幾日春愁壓繡奩聽得賣花聲一喚雲溪十里捲珠簾

三月兩俗謂
桃花水發

通吳門外雕輪滿鬢影衣香連不斷釋迦生日一城忙
爭向蘭若燒頭香長廊一百八尊者數罷偏誇貌妍冶
亭亭日午塔影圓山僧重乞結衆緣金錢十萬飛滿地
從此都應荷神庇歸來宛若笑語濃袖中攜得櫻桃紅

佛寺兩廊繪百八羅漢像婦女禮佛畢輒以
已年數多寡數之得淨符者則以爲不吉

安石榴開紅似火日日雲溪飛畫舸龍舟百尺蹴浪開
縹緲蜃氣吹層臺明眸皓腕深深見十里歌聲浮水面
晏公祠前夜未央月色燈光同一片楊梅初紫盧橘黃

沈沈琥珀流霞觴醉中忘歸天欲曙却省今朝喚船去
纖纖新月照銀河銀河脈脈橫素波美人俠拜展筠席
瑤杯玉腕傾璫液簷前灑淚雨乍晴幾日又放青蓮燈
巨魚咬影水頻響餘焰忽訝幽燐青是時月色亦淒絕
六街九陌堆層冰君不見東鄰有女怨遙夜素手穿鍼
月光下

古劍行寄張大

昆宗

美人愛明鏡壯士愛寶刀張公贈我兩龍劍惜我骨相
非班超懸肘旣無斗大之金印挂壁惟有挹酒之花瓢
毛生褚生並錄錄雜處毋乃非其曹牀頭久繫輒鳴嘯
似憤棄置悲無聊劍吾語爾爾毋怒聞昔邊陲曾用武

既缺我錡破我斧爾銛爾鋒亦何補淋漓血痕漬如許
豈有封侯能到汝君不見孟嘗堂前食客歌淮陰市上
少年侮劔于斯時亦良苦爾今從我守蓬戶免辱泥塗
厠軍伍况我故人爾舊主以爾相貽當縞紵千金之寶
擲坏土不若生前供我醉中舞午夜聞雞意激楚灑爾
相思淚如雨

簡園月下同婦探梅因成六韻

東風何日來荒村暗香早返梅花魂征鴻遺響落清宇
獨鶴斂翼眠雲根亭亭人與花枝並花枝瘦似娉婷影
却疑真是此花身同倚幽輝不知冷羅浮香夢漸依稀
聞笛空教淚滿衣霜重月明清徹骨與花同化白雲飛

寄莊大曾儀懷遠

憶初讀書城東庵一鐙如豆分蓮龕於時君歸自山左
稍理詩篋停征驂蘆簾竹閣劇幽靜時有雙燕來呢喃
庭柯經雨翠欲滴砌花映日紅初酣周官佶屈頗難習
背誦若水傾盈甌閒來更好養生術玉池靈液常滋涵
楊園咫尺動游興每趁夜月偕窮探手攀古藤坐怪石
山鬼窈窕聽雄譚自從君去不復往捲幔聊亦看遙嵐
錢郎樂府妙天下攜醉過我吟秋醜爾來避債苦無地
憔悴大類三眠蠶張生讀禮淚痕濕丁子講學道氣覃
愧子結習尙如昨硯北兀坐人嗤憨嚴冬雪花大于掌
北風颯颯雲曇曇庭前呵手弄冰柱醉後起舞持霜鐔

紅紗蒙眼君莫恨泥塗曳尾吾尤耽子瞻狂謀百未遂
稽康入世七不堪祇餘聚處樂難忘似咬諫果回微甘
遲君早就買田約雞鳴風雨曾同諳荆塗山色近何若
秀絕未必如江南夢魂倘訪舊游處梅花和月搖空潭

大雪中徐五

世排

過訪

風雪冷如此故人來叩門無舟猶訪戴
君家距城十里每欲相見步行
至有酒可畱髡大地冰壺裏蕭齋古樹根似聞僮僕笑
歸路已黃昏

王二

日旦

梅林小坐圖

先生愛客不畫客忘形乃有一卷石
余曾爲君題愛石圖
先生好色不繪色捲簾獨坐梅花側訂石作友聘梅爲妻穀城

老叟九疑仙，姬春風東來動縞袂。衣香鬢影何霏微，平生亦有師雄夢。玉笛聲中爲長慟，輸君圖畫百不憂。單衣脫帽還相共，圖中袷衣科頭非早春情事故戲云爾閒來酌酒歌王郎。平視許我窺新粧，若準孤山舊時例，更寫一鶴翔花旁。

寄洪大

飴孫

大酉山邊路，傳聞有寇氛。滔滔武谿水，曾渡馬將軍。鼙鼓驚寒柝，烽煙亂暮雲。遲歸莫惆悵，草檄倘需君。

白門旅館贈莊大

達吉

我懷寥寂思，知音莊生與我同。素心客中十日九相見，秦淮未抵交情深。謝家羣從吾皆識，劣虎優龍摠英特。柔情俠骨又逢君，肺腑相傾無所飾。白門山色生暮煙。

濕翠飄落雕闌前淺斟低唱各年少鄰姬指點疑神仙
捲簾明月垂簾雨萬戶無聲兩人語翻恐還鄉會晤疎
旁人頗哂痴如許君不見周郎陸弟去千載落莫江山
若相待人生離合知未央風塵勉葆容光在

題胡孝廉

稷

夢游圖

我聞西那之都金母所居其閒玉闕暨天綺臺承霄瑤
幹千尋空青萬條董雙成弄雲和之笙王子登彈八琅
之璈煙景珠擊西盈之鐘賈屈廷吹鳳唳之簫凡諸仙
姬不可一一數大抵水爲裳霧爲佩出曉風旋暮靄我
自謫降人世二十有二年吟魂未上大羅天胡君獨何
幸遽然不負春宵眠依稀記得舊游徑徑入那怕方平

鞭白環丹剛古香襲紅雨漫空袷衣濕誠知身已到雲
中美人更在雲端立或言萼綠華金鑲曾降羊權家又
言杜蘭香玉簡亦贈包山張如君所遇可相仿珍重丹
青繪恂恍噫嘻乎才人每喜說前身寓言十九何必求
其真由來證道必慧業我輩合是蓬萊人卽今好夢如
雲遠生綃一幅離愁滿他年綵鳳倘雙棲幸把儂詩付
仙管

題畢二

訓咸
詠古詩

畢生示我詩兩束雨窗奇氣騰如煙此中全貯十七史
其數適符三百篇讀書敢求舜禹閒立論似覩軒羲年
夜吟恐有鬼神攫爲君按劒寒鐙前

莊先生無題詩題後

生小傾城號謫仙，蹉跎空剩賣珠錢。
美人晚嫁公休悵，嫁早還應更可憐。

斷炊篇爲吳二錫傳作

朝陽復東升，攬衣起旁皇。斗米食已罄，何用充饑腸。

腸雖饑，骨如石。兒饑不罷讀，婦饑不廢績。

泉青青，園中葵。汲泉煮葵葉，聊復供晨炊。

脣西鄰，食魚尾。吳生忍饑樂如此，我虞爾曹病肥死。

齋中讀書

攬鏡忽自詫，秋水爲雙瞳。如何二十年，尙有未見書。
得毋處貧賤，憂勞尠寧居。晨起謀饗殮，午食心已舒。
冬來

計裳衣春至寒亦除戚戚苦無暇嗟嗟真大愚

身後古人死名先古人沒古人常苦勞今人常苦逸古
人與今人精氣詎不一勞者反長存逸者反先竭揮手
謝飛仙已悟養生術

簡園月下見殘菊一枝

一枝猶自映疎筵爲汝孤吟感歲華多謝娟娟霜裏月
肯來荒逕照殘花

再賦殘菊

落落意如傲亭亭影太孤一枝秋色冷三徑草痕蕪豈
有長旛護寧煩瘦石扶梅花開太躁重寫歲寒圖

寄友

生年事有子卷第十一
七
茗茗故人至怍怍我心慙昔悵見君疎今悵見君數別
君業未進虛言問寒燠屈指十二辰流光亦非速苟克
勤厥半無事更秉燭君亦自努力時時來相勗

人各有百年勤惰修短分悠悠度昏曉殊覺眠食頻督
我有朝暉傲我有夕曛無爲悵獨學結念平生親離居
而同術千里如比鄰

崇百藥齋文集第一

受業蔡邦綬校字

崇百藥齋文集第二

陽湖陸繼輅孫

定香集

題秦淮海祠

法曲平生奉瓣香一尊惆悵酌斜陽
隨車可記春遊誤解珮猶傳夜飲狂
無恙微雲橫翠岫真看流水繞紅牆
歸心我亦如波急早跨青鸞下大荒

落花飛絮語酸辛碧野朱橋感昔因
直遣春江都化淚每逢斜月憶含顰
紅牙客漫誇三影紈扇人思贖百身
一望黏天衰草色縱無魂在也傷神

詠秋桑和阮侍郎元

獨客禁寒待寄衣吳興秋色太離披
一林風冷初傾釀
幾葉春殘未化絲秦女攜筐歸緩緩
陳王讀曲記枝枝
我來偏動流年感小字空傳未嫁時

秋閨閒挂桂枝鈎日出東南不下樓
敗葉有時棲蛻蝶
空林無復聽鳴鳩織成虛訂黃姑約
落盡非關青女收
何必陌頭衰柳色短牆一步動離憂

鬢影衣香似隔生漁陽歌歇事頻更
乍拋春女悲秋淚
訝聽涼宵食葉聲時侍郎以此題試士
似爾飄零真不負幾人刀
尺未催成爲他八百孤寒望早發
春芽慰別情

天風枯盡正愁予且喜猶傳汜勝書
寒甚轉依斜照裏
感深尤在嫩涼初相君老去思荒宅
處士秋來戀敝廬

衣被功成休更問閒閒十畝未全墟

蔣二

徵蔚

有妹曰蘭年十三賦芭蕉甚工暇日出

稿相示索題其後

會聞芳樹比三珠仲子清才愧不如豈意蔣侯還有妹
十齡解誦大雷書

不虛小字比蘭茗七字吟蕉勝頌椒正是客窗秋雨歇
又從紙上聽瀟瀟

玉連環詞和阮侍郎

鳥是雙棲花並頭依依客夢小勾留何人琢取玲瓏佩
添得歡娛助得愁

鈿分釵擘負初盟枉向宏農錄小名悟得情深常劫重

臂痕休更記前生

愁聽尊前宛轉歌由來難斷是情波可憐一種連城璧
琢作簾鉤柰爾何

秋梧歌和阮侍郎

西風飄落丹山巔丹山么鳳愁不眠華陽絲成元雨霽
吳宮花草生荒煙倚樹仙人仙夢短明月飛來夜光滿
秋情一片入人間古井無波那堪浣清宵撫瑟喚柰何
衆靈雜沓湘妃過霓裳小駐雲如羅中郎中郎聽我歌
鴛鴦湖和阮侍郎

東流宛轉接南流何處波流可浣愁惱殺宵來銀漢影
一灣界作兩邊秋

別意湖波孰短長迢迢平碧動秋光此湖我願作春酒
鎔盡人間鐵石腸

兒友行寄莊四

緩甲

老親愛兒及兒友兒不妄交懼辱母兒友愛友先友親
能使母忘兒出門兒欲作書謝兒恐兒友瞋足痛手自
撫感激何足論兒行冬歸春出走母若思兒視兒友

雪後華郡丞

瑞濱

招飲湖上時僕將歸陽湖醉中

輒記當日情事以志別

秋楂飲我湖上樓湖光如冰射兩眸氣酣吹雪作流水
秀削露出寒山頭我來錢唐歲五度稍恨我來春已去
卽今鄉思比湖深爲待冰花特延跼王孫

錢魯思

軒然訪

戴來客星如月清光開湖神上天請玉戲似向倦客誇

瑤玖秋楂無官正多暇清貧尙有北海杯莊生醉眠欲

化蝶義門何郎病瘦猶吟梅夢華詩情畫意約不得春氣

拂拂尊前迴義門畫松竹坪畫王孫腕力推最健使筆

縱橫同使劔釀花成蜜不見花點畫無由辨羲獻夕日

欲落當柰何歸途已恐醉尉訶明年花發定相訪急貯

清酒如春波

陳秀才

文述

示所賦春草詩題後

詞臣畫筆潘楊柳經學閒情鮑夕陽謂德園侍御一例

呼君作團扇又傳清夢到池塘

游仙曲寄阮侍郎

有美人兮愁春闌撫綠綺兮不成彈蕭蕭修竹生暮寒
欲結飛珮尋名山故人洪厓憐小謫一片白雲忽相值
三山舊路吾能識但乞靈銖作羽翼東虹霓兮繫明星
三五二八花亭亭手把芙蓉斂玉局羣真窈窕趨前迎
瑤尺仙人雙眼青前導絳節乘雲輶敕選香吏直通明
翻何來遲雲徑平佩我五岳之真形授我秘笈之藏經
碧桃花開春霧暖薄醉倚樹吹瑤笙晨風忽墮綺窗夢
耳邊尙覺青鸞鳴望昔游兮碧城憶故侶兮雙成雲如
幕兮英英海瀉杯兮盈盈羌獨處此幽默兮意悵惘而
淚零鍊余心兮棲黃庭隨夫君兮還玉京

秦兵備

漢

始建蘇文忠公祠於湖上索詩落之

十年青史誦遺文，失喜新祠映夕曛。
終古隄名齊白傅，好畱簾影祀朝雲。
湖山此日仍高會，俎豆他時又使君。
我是艤舟亭畔客，作詩一笑倘能聞。

瀕行秦兵備馳詩送別舟中却寄

揮淚讀公詩，孤篷聽雨時。
我寧關得失，天或怒狂痴。
骨相依人拙，窮愁畏母知。
終思報知己，不敢著書遲。
三楚行銷甲，羣卿已論功。
還期巡越使，急佩射潮弓。
蜃艇搖澄碧，鯨波訝染紅。
事權仍不屬，何計達宸聰。

宸聰

贈吳大令

堵

毘陵識君歲，在午君年三十我。
十五君稱酒龍我詩虎。

金陵交君歲在寅我耽尋秋君訪春君爲千詩我百尊
九年踪跡成於邑花骨張郎竟長鬣爾來幾度寄相思
故態狂奴總蕭颯少年舊曲傳旗亭君漸讀律吾治經
君今行往作仙吏誰復知君不得意西風七月吹清商
一栢相屬珍流光絲絲簾影通荷香碧瓜自擘紅霞漿
南鄰招蔣捷承北鄰揖丁儀履高吟明月竚空聽坐久
不見花枝移花枝陰陰露華重稍覺譚深薄寒中此日
愁心似水空清宵各有游仙夢

立秋日同婦曉起

殘月如煙戀綺櫳涼宵清夢太恩恩捲簾不見秋消息
一朵白荷明曉風

寄遠

行雲思故岑，落葉戀舊林。束髮遇君子，兩心同一心。兩心非一心，不如沙上禽。朝飛一相失，暮宿還相尋。遺我古宮鏡，報君孤桐琴。輕塵污琴絃，拂拭君恣深。竊復視君鏡，淚下沾衣襟。復君光明質，聽我瑤華音。

蓮葉何田田，鑑貌本不任。竊聞古宮鏡，鑑貌不鑑心。丈夫重聲華，賤妾悲錦衾。不道妾言直，但覺妾言侵。非君異今昔，悔妾怨望深。

夷光泛五湖，豔色生譏彈。農家有好女，十指勤朝餐。懷炭常苦熱，飲冰常苦寒。君心豈無權，冷暖亦有端。怨君得君怒，妾心良自安。終思椽容光，從子乘飛鸞。

賦秋海棠次錢三丈韻

簾波秋夢捲天涯
庭院蕭條日易斜
一種禁寒好顏色
可憐錯認作春花

玉樓涼透八銖衣
補屋牽蘿鎮掩扉
猶恐前身情劫重
儘教風雨減環肥

曉煙殘月太冥濛
狼籍深紅間淺紅
欲與枯荷訴憔悴
橫塘吹斷藕花風

忘憂蠲忿已全刪
好語無憑淚欲潛
爲是斷腸偏護惜
一秋香夢近眉山

莫訝芳根植太低
人間何限憶雲泥
斷魂一夜無招處
化作秋蟲徹曉啼

西風幾日葬幽姿紅淚傷心寫折枝說與孤飛秋燕子
此花哀豔勝將離

經旬絲雨濕落紋漫說人間重夕曛已是悲秋消未得
傷春可奈又逢君

呈曾都轉煥

斯文在天壤風會有主持東南諒才藪異說猶紛馳始
由樂真率繼轉矜恢奇侏儒足破顏聞韶孰忘疲峩峩
曾夫子卓建大將旗登壇意慷慨復古任弗疑我亦有
志士從公乞偏裨

才難聖所歎聚散豈無時達官便頤指貞士羞摧眉氣
機苟不感判若雲與泥冥冥趙州土曠世猶致思徒聞

喜豪舉自亦非人師惟公崇令德折節交布衣能使鄉
曲儒見公忘巍巍良璞有未剖拂拭生光輝由來知己
恩足發虞翻悲

度遼重逢掖談士輕封侯是其相需意寧止聲華求頻
年動遠想見月思揚州夕夢登雲山曉夢上文游樓臺
亦何有斯人自千秋

選錄李協律詩題後

并序

世傳李賀以父諱不舉進士今讀賀詩而知賀之託爲
此言也夫客帳有封侯之夢春歸有乘傳之思是以南
風吹山酌酒而澆趙土寒月入戶看劍而弔荆卿自非
隱淪詎甘濩落非徒歲華易逝惜朔客之蘭纓良會乍

關念張郎之長鬣然而瀟湘前度哲后信讒風月清宵
傾城見妬揆古證今或則棄如斷梗甚者誤觸網絲二
十男兒從可知矣嗟乎仰屋沈吟花蟲空蠹彈琴靜好
古壁凝塵桐風摧壯士之心蓮葉下小姑之淚又奚俟
露如啼眼雨冷香魂而後哭遼海之西風碧土中之恨
血也哉至如老夫采玉巫女揮絃比興尙存離憂未歇
是知流連光景無當于性情感憤詼嘲必衷于風雅蕭
文稍除椒蘭益馨因錄其文輒原其志吟聲激楚應聞
天上之瓊樓熱淚瀾沈我亦人間之秋士

一代論文士郎君最少年賈生虛涕淚子晉愧神仙阿
母憐吟苦羸僮識主賢錦囊餘碧血知否爲重編

贈蕭校書時余復有錢唐之行

忽漫相逢黯別魂
暫停征棹引離尊
燈前細看青衫袖
認得杭州舊酒痕

跌宕從教話俊遊
牽雲曳雪少句留
無端今夜琵琶語
蕩起征人十斛愁

玉暖偏愁易化煙
杜門工病已年年
桃花本是傷春影
開傍頽垣更可憐

意態渾忘妬眼驚
撩人蘭氣太分明
一栢和淚怱怱飲
醉倒牆東阮步兵

女伴傳聞抱阿侯
鬢鬢夫婿鎮無愁
簾前剩有銜泥燕
儘耐春寒遲玉鉤

二分明月隔江看夢裏簫聲聽易闌莫向尊前訴漂泊
有人風雪又衝寒

二月十五夜寄婦

春夢太迢迢春情委寂寥可能今夜月忘却百花朝

花神廟

東風幾日吹平碧春草春萍橫一色觀出桃花照眼明
紅霞碎翦天應惜霞光墮水嬌不飛照水忽見珍禽樓
一女憑樓楚腰細雙姝對鏡煙鬟齊指保俶塔及兩峯隄上香

車行緩緩柳絲較比流蘇短都向花神廟裏來盈盈似
訴天涯遠何限人間兒女情無言那識神腸斷我亦焚
香前致詞願不飛花月長滿飛花偏傍客衣多如此春

光柰別何日莫湖心亭上望一湖煙月動愁波

湖心亭看雨

十萬鮫人望鄉泣淚痕齊灑東風急波光明似水晶盤
盤中瑟瑟珍珠圓兩峰相望各愁絕化作青氣飄成團
如此天厓容小住只恐孤亭亦飛去却倚危闌招水仙
一杯爲我紅顏駐春雨春晴總斷魂平湖何處昏春痕
客窗自有關情夢水漲溪橋綠到門

司農來爲阮撫部元

司農來司農不來司農方佐

天子用人理財司農安得來一解司農來騶從不聞聲一

舟泊河干父老爭前迎何用識司農但當問諸生諸生

頓首再拜別公稔年公亦相慰勞益復工爲文司農不
來公何人二解司農來司農信來急走告語歡如雷勿歡
如雷司農方佐

天子用人理財暫遣問汝疾苦行且北歸三解司農來士

得師民得怙恃官薄賦斂盜賊知耻

詔授司農巡撫浙江都御史公自戀

闕民自喜中一吳民歎不止恨與司農生同里四解

答蔣二願會次來韻

水漲牽浮萍庭春茁芳草二者豈足愛刪除轉生擾養
心先遣愁如藥但治表急攻守益堅不速遇更巧何如
且聽之相依矢永好吾言得三昧君聽應絕倒若爲亂

絲斬恐類握苗槁

愁旣不可遣恨亦安得除茫茫眺平原戚戚戀微軀秦
皇及漢武坐是招怪迂不聞出視蝶回視悲蠶枯正此
一息存惆悵生憂愉臨川念逝者在陳歎歸歟千古慟
哭聲不始王伯輿

簡張處士

詞

不聽張郎三影詞曉風殘月最相思湖頭一夜花如雪
應有愁痕上鬢絲

雲棲

微雨忽復歇嫩涼隱叢筱春衫化綠雲擁我上林杪西
陵幾蘭若雲棲最深窅寺僧戒律嚴形容半枯槁謝供

伊蒲饌餐此山翠飽心香繞蓮座膜拜通默禱偏親六十餘蔬布奉三寶有子不侍親饑驅出懷抱佛心念苦節賜親以壽考脉脉鄉思深凝眸送歸鳥

姚大椿

蜀游詩卷題後

待月憑闌聽雨眠舊來說劔已無篇似聞諸葛真名士果比長沙更少年俊賞一春看綠鬢狂遊三度上青天無端獨立蒼茫意又觸君詩到酒邊

讀律

作文勿逞才讀律勿引例拉雜摧燒之庸才亦良吏

催科

催科沿陋習縣官利贏餘撫字果心勤彼民亦樂輸嗟

哉大杖下日夕聞號呼欲識官心腸但看民肌膚

湖上醉歌

湖波雖廣不如細流兩峰雖高不如一邱夷光雖美不如鍾情傳食雖逸不如躬耕

離家

離家甫五旬移居已三度漫說有方游知見在何處

柳花

裙腰一道束斜暉四面山如步障圍關住春光歸不得
濛濛化作柳花飛

香塵寂寂碧波空清絕南屏向晚鐘誰識斜陽芳草畔
一雙人立柳花中

久雨乍晴屈指十日內可抵家矣喜而有作

兼旬苦雨滯春寒忽見斜陽一倚闌預報姮娥知客喜
初三月色到家看

看盡濃粧淡抹無卅年風景記模糊老親笑檢兒行篋
且喜詩篇似畫圖

飛花落絮太怱怱九十春光過客中但有歸期渾不晚
一簾同坐鼠姑風

曳雪牽雲亦可憐歸心無奈夕陽邊此情畧比春光好
不遣相思到隔年

衮師索抱語牙牙可解迎門喚阿爺料得相看顏色好
一春頰面是桃花

三十二圖歌贈姚大椿

詩人前身是古佛三十二相風輪摩盪不能威諸天妙
香擁護人人間一一大放光明如滿月蓮花爲下裳柳
枝爲上衣佩明星兮束虹霓朝采扶容于太華莫餐積
雪于峨眉孤猿却步而顧影野鶻斂翅而迴飛翩何珊
珊入雲去山鬼窈窕詫絕不敢相扶持下視秦松漢柏
搖蕩若芳草雨露不施顏色好此時歎息知天高明月
依然玉盤小長風西來浩然思歸黃河九折海水一柸
遇靈妃兮湘浦訪玉女兮天台忽蒼茫兮獨立歌人間
之可哀我時方把洪厓袂小飲天漿未成醉一聲玉笛
山骨驚衣上濛濛飛濕翠見君頗覺氣格奇誰識君來

自天外讀畫看山鄉思遲屬君珍重畫中姿重逢又別
渾無那淚滿天涯紅豆枝

別靈鷲

山好思依佛泉清欲化魚待君飛去後吾亦返吾廬此
約何時踐塵緣未可除白猿知客意遠送一程餘

製紈扇寄婦題二小詩

白紈扇皎皎勝明月但學明月圓不隨明月缺
白紈扇年年惜別離秋風非夏雪小別不多時

有贈

綠雲初覆額紅豆乍迴眸一月有殊色萬花生莫愁河
清看貝齒秋遠倚瓊樓便恐乘風去將行爲小留

哭燿連

吾行負神明璫花一夕傾挑鐙疑夢影觸耳訝啼聲魂
小行猶怯墳孤臥易驚傷心拋不得重向掌中擎

點漆猶微露凝脂已漸冰呼名仍一應食米未三升

兒生

之夕太夫人夢一老僧乞米三升

薄送汝葬秋塋
含淚別王母投懷憶老僧一棺如紙

學使者試隗囂宮盤歌

玉璽摧殘赤眉起金鳧飛出人間矣真人白水提劔來
斷戈折子紛塵埃公孫子陽并蛙耳埽蕩羣雄自隗始
咄哉一盃尙瓦全黝然古色凝蒼煙却憶秦關稱四塞
顧盼居然夸玉食北寺於今秋草荒故宮鏡作青燐色

柏梁灰飛銅雀傾尊前懷古不勝情興
亾獨有金僊覺清淚如鉛別渭城

萬大令

承紀請纓圖

是何少年蹈且舞生王之頭繫以組殿前爭識棄繻生
二十男兒好眉嫵時清不復徵邊才如生幾輩埋蒿萊
洪都有客感年少玉頰冰臚寫生貌秦中餘盜猶縱橫
生也若在當西行圖生之人亦生伍向者攜圖入三楚
或傳深莽方伏戎中丞度香先生嬰鑠手拓弓君言請毋以
兵擊輕騎宵行罪人得軍門朝懸十四頭觸盧有淚不
敢流是皆渠魁一領萬十四萬人驅敢戰一時膽落潛
歸耕十四萬輩皆蒼生乃知請纓卽此意多殺寧惟道

家忌書生不望畫雲臺
百里重煩雛鳳來
我亦閉門過弱冠
披圖未惜玉山頽

趙忠毅鐵如意歌爲萬十一大令作

運斤如風至尊喜
委鬼從旁捉刀起
上方有劔霜華明
日飲碧血頑無情
尙書錚錚好頭頸
荷戈僅作邊關行
敲缺唾壺歌伏櫪
老淚空沾鐵衣赤
鬱鬱孤臣萬里心
化作金精欲誰擊
靈芝一朵正不偏
銘詞小篆銀絲填
陰書太歲在壬戌
知是天啟之二年
閒齋歌舞助清興
公爲此器亦偶然
豈知千佛經潛錄
鐵網如雲不堪觸
轉眼銅仙別渭城
何人攜向西臺哭
夜闌擊節招公魂
鐵色黯慘寒檠昏
男兒處已寧剛折
司農之笏真千鈞

鐵乎酌汝一杯酒世事由來居八九借汝嘉名媚上公
鏤金刻玉今何有使君勁骨夙所欽得主足慰尙書心
東方遺研落何所諒亦寶貴逾璆琳爲君作歌結君佩
王氏珊瑚那足碎

自江寧赴揚州舟中作

澆愁除借月爲栢一歲辭家定幾回柔櫓自搖殘夢去
歸心恰趁暮潮迴孤篷飽聽瀟瀟雨繡轂看馳隱隱雷
酒俠詩狂都減盡休傳名士過江來

生小明珠掌上看頻年翻仗婦承歡倚閭鬢有清霜影
補屋蘿生翠袖寒預計歸期儲藥裏難將離緒隱眉端
何時真得躬耕去介母梁妻勸一餐

珍重清宵聽小詞。雨聲月色總相思。

謂里中諸子

可堪

洵雁

衝寒去誰與。雙螯共酒持。寂寞秋齋人病後。

莊園右師病廢甫癒

蕭條絕塞客還時。

洪稚存丈奉釋戍計日抵里

旨

征帆也怪非歸路。

似向斜陽作意遲。

寄耀適荊州

故園梅始放。別汝又殘秋。身賤輕危地。家貧逼遠遊。蒼黃風鶴警。辛苦稻粱謀。積雨催寒急。何時寄敝裘。

歸舟寄題襟館

比屋高吟却。筦絃官齋清絕最。魂牽士歸知。已如流水。月照空江起。積煙欹枕自。分鷗夢穩挂帆未。讓馬蹄先從公定博慈顏。喜不爲泥金一駮然。

復往揚州舟中賦殘月

殘月非新月窮愁况別愁寂寥樓遠樹瘦損過清秋我亦憐狂減君應見淚流遙遙鐙火影今夜泊瓜州

曾都轉西溪漁隱卷子

先生昔作西溪遊蒹葭深處橫扁舟空山斜日一惆悵不覺遙情結溪上別來選夢雲水鄉萬斛波光遠相餉釣絲嫋嫋吹春晴宴坐仿髯聞溪聲此中夙契寫不得但見滿堂山翠濕年時我狎溪邊鷗見公敢復夸溪流東南民力恃保護何止八百孤寒愁烟月迢迢竹西路荷花芍藥畱公住尊前急爲卷橫圖似恐西溪奪公去結廬待老溪頭樹

無錫華司馬

冠

乾隆中以畫供奉、內廷後官學

東數年卽移疾歸家貧復爲諸侯賓客與余相遇

邗上賦詩贈之

樗散居然物外身一尊爲說

上林春人間信有嵇康

嬾世上無如曹霸貧弓墮

鼎湖雲路迴衣仍宮錦淚

痕新相逢愧我非佳士未敢勞君亦寫真

送陳學博

雙

之官徐州卽題其簷花夜酌畫冊

才名早識陳驚座今日相逢鬢未殘樂府新聲三婦艷

君攜三
姬人

畫圖清景一旃寒故人幾輩登華省詞客中年

愛冷官遲我渡河邀痛飲黃樓無恙月如丸

喜洪丈

亮吉

奉

赦歸里卽題其機聲鐙影舊卷

鐙影渾如夢機聲不可尋終天孤子恨萬里逐臣葵
藿全微命松楸見舊陰生還非意想一日一沾襟

乘風懷玉宇高迥不勝情身是君恩賜名由母教成
由來珍晚節何以報餘生慎重遺經在重挑舊短檠

黃五庶常

郁章

北行志別

對影霜華重憑闌月色孤歸心潮共急客興酒難扶顧
我鄉愁亂憐君征路紆惟應畱後憶此意未全辜